


# બચ્ચેલા બાઈબલ

રજુઆત

## જે ઈશ્વર મેડ

## ભનાયા



લેખક: Edward Hughes

વ્યાખ્યા કરેવાર: Byron Unger; Lazarus

અનુવાદક: Hanson Harry

ફેરફાર કરેવાર: Bob Davies; Tammy S.

વાર્તા હકડે નુ સઠ

[www.M1914.org](http://www.M1914.org)

Bible for Children, PO Box 3, Winnipeg, MB R3C 2G1 Canada


અધિકાર પતર—આંઈ એન વાર્તાઉ નકલ કરેને છાપી સકોતા—ફક્ત

કચ્છી

વેચાણ જો મકસધ ન હુણો ખપે.


Kutchi

પાકે કેર ભનાય? બાઈબલ, ઈશ્વર જો વચન પાકે વતાયેતો  
કે માડુ જી સરુઆત થઈ. ગચ ટેમ મોર, ઈશ્વર પેલો માડુ  
ભનાયા. ને એન જો નાલો આધમ રખ્યા.




1

ઈશ્વર આધમ કે પૃથ્વીજી મટીનું ભનાયા. જે ઈશ્વર  
આધમ મે જીયણ જો સાં વધા, હી જીરો થ્યો. ને પિંઢકે  
એધન ભગીચે મે રોન્ધે ડે.




2


ઈશ્વર, આદમ કે ભનાય તીના મોર ઈશ્વર નવિન ચીજુ સે ભરલ લાટ ધોનિયા ભનાય હકેડે પોઆ બ્યો ઈશ્વર વડા વડા ડુંગર ને ઘાસીયા મેધાનને ફોરવારા કુલડા ને વડા લંભા જાડ ભનાયા.



રંગબેરંગી પીછેવારા પંખીને ગોણ ગોણ ફરેવારી મધમાખી, ગચમોડ વડી વેલ માછલી ને લપસણા જનાવર ભનાયા, હન ધોનિયા મે જોકો આય ઈ મોડ ઈશ્વર ભનાયા આય.



મણીજે શરુઆતમે ઈશ્વર જો કો પણ ભનાયા તીના મોર ઈશ્વર સવા કોઈપણ ચીજ, કીએ ન વોન ઉજારો ન અંધારો ન ઉચો ન નીચો, ન ગઈકાલ કે ન અચેવારી કાલ, જે જી કોઈ શરુઆત નાય એડા ઈશ્વર વા ને ઈશ્વર કમ ચાલુ કયા. શરુઆત મે ઈશ્વર સરગ ને પૃથ્વી ભનાયા.




5

પૃથ્વી આકાર વગર ને ખાલી વઈ. ને મણી હેકાણે આંધારો વો ને ઈશ્વર કોછયા હતે ઉજારો થીએ.




6

ને હોતે ઉજારો થ્યો. ઈશ્વર ઉજારે કે તીને અંધારે કે રાત ચ્યા ને સાંજ થઈને સવાર થઈ ને ઉ પેલો તી થ્યો.




7

બ્યે તી ઈશ્વર સરગ હેકા પૃથ્વી મથે ધરિયે જા પાણી, સમુન્ધર ને તરા ખણી આયા. ત્રયો તી-ઈશ્વર ચ્યા સુકી ધરતી ડસાય. ને હેડો થ્યો.




8

ઈશ્વર ગા, ફોલ, જાડી ને મોડે જાડે ડસાચેજો હોકમ  
કયા ને મોડે ડસાણે લગા, ને  
સાંજ થઈ ને સવાર હી  
ચો ડી થ્યો.



9

એન પોચ ઈશ્વર સુરજ ભનાયા  
ને ચંધર ને ગણી ન સગાજે  
હતરા મોડે તારા ભનાયા. ને સાંજ  
થઈ ને સવાર ચોથો ડી થ્યો.




10

ઈશ્વરજી અગલી રચનામે સમુન્ધર  
જા જનાવર, માછલી ને પંખી વા  
પાંચમે ડી ઈ વડીવડી માછલીઉ ને  
નંઢીક માછલીઉ, વેડે વેડે પગવારા  
શાહમૃગ ને નઢાક ચીચી કરેવારી  
ચકલીઉ ભનાયા. ઈશ્વર મણી  
પરકારજી માછલીઉ ભનાયા,  
જોકો ધોનિયા જે પાણી મે રેતી ને  
પંખીને જનાવર કે ભનાયા જોકો  
સમુન્ધર, ધરતી મથે ને આકાશ  
મે રેતા ને સાંજ થઈ ને સવાર  
થઈ હી પાંચમો ડી થ્યો.



11

એન પોઆ વરી ઈશ્વર કોછયા-ઈ ચ્યા. હાણે ધરતી  
મથા બ્યા મોડે જીરા જીવજંતુ થીએ.




12

મણી પરકાર જે ધરતી જા જનાવરા જીવ જંતુ ને સરીસૃપ  
થીએ, હોતે ધરતી કે ધોબાયવારા હાથીને બ્યા બરુકાજનાવર  
વા, તોફાની વાંધરા, ને ભયાનક મગરમચ્છ પેટ સે હલે વારા  
સરીસૃપ, અરસીયા ને ખીસકોલી, ભેરા રે વારા જીરાફ, ને  
મ્યાઉ મ્યાઉ કરેવારી મની. મણી પરકાર જા જનાવર ઈશ્વર  
ઓની ડી ભનાયા. ને સાંજ થઈ ને સવાર થઈ હી છઠો ડી થ્યો.



13


ઈશ્વર છઠે ડીજો હી પણ કયા. - કીક ખાસમ ખાસ. હાણે  
માડુએ લા મોડે તૈયાર વો હતે ખાધે લા જમીન તે અનાજ વો  
ને સેવા કરે લા જનાવર પણ વા. -ને ઈશ્વર ચ્યા. હલો



14

પાંજે પ્રતિમા પરમાણે માડુ ભનાયો.  
-પૃથ્વી મથા જોકો આચ એન તે ઈ  
અમલ હલાય હેડી રીતા  
ઈશ્વર પિંઢજે પ્રતિમા મે  
માડુ ભનાયા. ઈશ્વરજી  
પ્રતિમા મે માડુ  
કે ભનાયા.

ઈશ્વર આધમ કે  
ચ્યા, જોકો તોજી  
ઈચ્છા થીએ તુ  
ભગીચે મેનુ ખાઈ  
સગેતો પણ ભલો ને  
ભોછડો જાણી સગાજે  
હેડ જાડ જો ફર મ  
ખાઈજે જો તુ ઈ જાડ  
જા ફર ખાઈને ત  
નકકી તુ મરને.



15

ને પોય પરમેશ્વર ચ્યા કે હી ખાસો નાય કે માડુ હેકલો રે  
આઉ એન લા મધધગાર ભનાઈન્ધો. ઈશ્વર મોડે જનાવરને  
પંખી કે આધમ વટે કોઠાય આધમ ઉ મણી  
કે નાલો ડને. ભારી ચાવત સે આધમ હી  
કમ કે પણ મોડે જનાવર ને પંખીએ મે  
આધમ લા કોઈ મેળવારો ભેરુવો ન.



16

ઈશ્વર આધમ કે વડી લંબી  
નિંધર મે વધે. ને પોય આધમ  
જે શરીર મ્યા નુ હકકી પસલી  
કહે એન મેનુ ખાઈમાડુ ભનાયા  
ઈશ્વર હી ખાઈમાડુ ભનાયા  
જોકો આધમ લા સચઈ મે  
સચી સાથીધાર વઈ.



17

ઈશ્વર છ ડીએ મે મોડે ભનાય ગણા ને પોય સાતવે  
ડી એ કે ઈશ્વર આર્શિવાધ ડનાને આરામ જો ડી  
ભનાયા. એધન ભગીચે મે ઈશ્વર જી આજ્ઞા  
મે રઈને આધમ ને હવા બોરા રાજી વા  
ઈશ્વરઈનીજો પરભુ વો, ઈનીજો  
ડાતા ને ધોસ્ત વો.



18

જોડે ઈશ્વર મોડે ભનાયા

ઈશ્વર જે વચન જી વાર્તા-ખાઈખલ

ઈનીમે જોડતો

ઉત્પતિ ૧-૨

“જોકો આંજે જીયણ મે ઉજારો ડીએતા.”

ગીતશાસ્ત્ર ૧૧૯:૧૩૦

ઈશ્વર જાણેતા પાં ભોછડો કમ કયા  
ઈયો એનકે ઈ પાપ ચેંતા. પાપ જી સજા મોત આય.

ઈશ્વર પાકે બોરો પ્રેમ કરીએતા. ઈ પિંઠ જો પોતર હલાયા, ઈસુ ક્રુસ  
મથા પાંજે પાપજી સજા ભોગવીને મરીવ્યા. ઈસુ મોત નુ વરી જીરા  
ચ્યા ને સરગ મેં વ્યા. હાણે ઈશ્વર પાંજા પાપ માફ કરી સકેતા.

જ આંઈ આંજે પાપનુ ભચેલા મંગોતા ત ઈશ્વર કે હી ચ્યો પ્રિય ઈશ્વર,  
આંઉ મનીઆંતો કે ઈસુ મુલા મરી વ્યા ને હેવર વરી જીરા આય.  
મેરભાની કરેને મુંજે જીયણ મેં અચો ને મુંજા પાપ માફ કયો. જેસે કરે  
ને મુકે હાણે નયો જીયણ મલે ને આંઉ આં ભેરો હમેસલા રઈ સકા.  
આંજે પોતર વારે જીએલા મુંજી મધધ કયો આમેન. યોઆન ૩:૧૬

રોજ ખાઈખલ વાંચીઓ ને ઈશ્વર સે ગાલ કરીઓ.